

**ZAPISNIK SA
49. RADNE SJEDNICE SKUPŠTINE KANTONA SARAJEVO
ODRŽANE U UTORAK, 15.03.2022. GODINE
SA POČETKOM RADA U 10,00 SATI**

Elvedin Okerić (Predsjedavajući) je otvorio 49. Radnu sjednicu Skupštine Kantona Sarajevo. Himna Bosne i Hercegovine.

Sjednici prisustvuje 30 zastupnika, što je dovoljan broj za punovažan rad i odlučivanje.

Izostanak sa ove sjednice opravdali su: zastupnik Sabahudin Delalić i zastupnik Mahir Dević. Kašnjenje je najavio zastupnik Fahrudin Pecikoza.

Sjednici su prisustvovali/le zastupnici/zastupnice:

SDA - STRANKA DEMOKRATSKE AKCIJE

1. Hamed Aljović
2. Jasmina Bišćević-Tokić
3. Haris Zahiragić
4. Amra Hasagić
5. Smiljana Viteškić

POLITIČKA ORGANIZACIJA "NAROD I PRAVDA"

1. Vedran Jakupović
2. Elmedin Konaković
3. Danijela Kristić
4. Amel Mekić
5. Arijana Memić
6. Elvedin Okerić

POLITIČKA ORGANIZACIJA GRAĐANA "NAŠA STRANKA"

1. Vildana Bešlija
2. Neira Dizdarević
3. Vibor Handžić

SOCIJALDEMOKRATSKA PARTIJA BOSNE I HERCEGOVINE

1. Segmedina Bajramović Srna
2. Igor Stojanović
3. Samir Suljević

SAVEZ ZA BOLJU BUDUĆNOST BIH – FAHRUDIN RADONČIĆ

1. Zvonko Marić
2. Dževad Poturak

DEMOKRATSKA FRONTA

1. Bibija Kerla

BOSS-BOSANSKA STRANKA – MIRNES AJANOVIĆ

1. Haris Pleho

SAMOSTALNI ZASTUPNICI/ZASTUPNICE:

1. Damir Nikšić
2. Fahrudin Pecikoza
3. Damir Marjanović
4. Elvis Vreto
5. Jasna Duraković
6. Aljoša Čampara
7. Admela Hodžić
8. Amra Junuzović-Kaljić
9. Senad Hasanović
10. Sead Milavica
11. Mirza Čelik
12. Bilsena Šahman

Na osnovu članova 72. i 73. Poslovnika Skupštine Kantona Sarajevo, Kolegij Skupštine Kantona Sarajevo je na sjednici održanoj dana 28.02.2022.godine utvrdio dnevni red, a isti je dopunio na sjednici Kolegija održanoj dana 11.03.2022. godine.

UTVRĐIVANJE DNEVNOG REDA SJEDNICE

Prijedlog dnevnog reda današnje, 49. Radne sjednice, glasi:

1. Poslanička/zastupnička pitanja inicijative i odgovori;
2. Prijedlog Zakona o izmjenama i dopunama Zakona o prijavljivanju i postupku provjere podataka o imovini nosioca javnih funkcija u Kantonu Sarajevo;
3. Nacrt Zakona o prevenciji i suzbijanju korupcije u Kantonu Sarajevo;
4. Nacrt Zakona o izmjenama i dopuni Zakona o turizmu;
5. Nacrt Zakona o dopunskim pravima boraca-branitelja Bosne i Hercegovine;
6. Nacrt Zakona o odgoju i obrazovanju u osnovnoj i srednjoj školi u Kantonu Sarajevo;
7. Prijedlog Programa rada Skupštine Kantona Sarajevo za 2022. godinu;
8. Prijedlog Strategije razvoja Kantona Sarajevo 2021.-2027.;
9. Prijedlog Odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za projekat „Javni prevoz Sarajevo e-Mobility“;
10. Prijedlog Odluke o davanju saglasnosti na Program rada Zavoda zdravstvenog osiguranja Kantona Sarajevo za 2021. godinu;
11. Prijedlog Odluke o davanju saglasnosti na Statut o izmjenama i dopunama Statuta Javne ustanove Zavod za javno zdravstvo Kantona Sarajevo;
12. Prijedlog Odluke o usvajanju Programa uređenja građevinskog zemljišta i realizacije kapitalnih investicija za 2022. godinu;
13. Prijedlog Odluke o izmjeni Odluke o osnivanju Kantonalne javne ustanove Dom za djecu bez roditeljskog staranja;
14.
 - a) Prijedlog Odluke o davanju saglasnosti na Program rada Javne ustanove Narodno pozorište Sarajevo sa finansijskim planom za 2022. godinu;
 - b) Prijedlog Odluke o davanju saglasnosti na Program rada Javne ustanove Sarajevska filharmonija sa finansijskim planom za 2022. godinu;
 - c) Prijedlog Odluke o davanju saglasnosti na Program rada Javne ustanove Pozorište mladih Sarajevo sa finansijskim planom za 2022. godinu;
 - d) Prijedlog Odluke o davanju saglasnosti na Program rada Javne ustanove Kamerni teatar '55, Sarajevo sa finansijskim planom za 2022. godinu;

- e) Prijedlog Odluke o davanju saglasnosti na Program rada Javne ustanove Sarajevski ratni teatar - SARTR sa finansijskim planom za 2022. godinu;
- f) Prijedlog Odluke o davanju saglasnosti na Program rada Javne ustanove Međunarodni teatarski festival – Scena MESS sa finansijskim planom za 2022. godinu;
- g) Prijedlog Odluke o davanju saglasnosti na Program rada Javne ustanove Muzej Sarajeva sa finansijskim planom za 2022. godinu;
- h) Prijedlog Odluke o davanju saglasnosti na Program rada Javne ustanove Kantonalni zavod za zaštitu kulturno-historijskog i prirodnog naslijeđa Sarajevo sa finansijskim planom za 2022. godinu;
- i) Prijedlog Odluke o davanju saglasnosti na Program rada Javne ustanove Historijski arhiv Sarajevo sa finansijskim planom za 2022. godinu;
- j) Prijedlog Odluke o davanju saglasnosti na Program rada Javne ustanove Biblioteka Sarajeva sa finansijskim planom za 2022. godinu;
- k) Prijedlog Odluke o davanju saglasnosti na Program rada Javne ustanove Muzej “Alija Izetbegović” sa finansijskim planom za 2022. godinu;
- l) Prijedlog Odluke o davanju saglasnosti na Program rada Javne ustanove Bosanski kulturni centar Kantona Sarajevo sa finansijskim planom za 2022. godinu;
- m) Prijedlog Odluke o davanju saglasnosti na Program rada Javne ustanove “Collegium artisticum”, Sarajevo sa finansijskim planom za 2022. godinu;
15. Informacija o javnom linijskom prijevozu putnika u Kantonu Sarajevo, sa prijedlogom zaključaka;
16. Prijedlog Odluke o osnivanju Kantonalnog javnog komunalnog preduzeća „Javni prijevoz Sarajevo“ d.o.o. Sarajevo;
17. Prijedlog Odluke kojom se daje saglasnost za zaključivanje Ugovora o kupoprodaji nekretnina u svrhu proširenja gradskog groblja Vlakovo koji treba da zaključi KJKP „Pokop” d.o.o. Sarajevo sa prodavcem Sredanka Kurteš;
18. Prijedlog Odluke kojom se daje saglasnost za zaključivanje Ugovora o kupoprodaji nekretnina u svrhu proširenja gradskog groblja Vlakovo koji treba da zaključi KJKP „Pokop” d.o.o. Sarajevo sa prodavcem Bjeloš Dobrila i drugi;
19. Prijedlog Odluke o izmjeni i dopuni Odluke o zaštiti planinskih izvorišta vode za piće sarajevskog vodovodnog sistema i dijela otvorenog toka rijeke Mošćanice;
20. Izvještaj o radu Kantonalne uprave za inspeksijske poslove Kantona Sarajevo za 2021. godinu;
21. Izvještaj o radu Kantonalne uprave civilne zaštite Kantona Sarajevo za 2021. godinu;
22. Izvještaj o realizaciji Plana povratka u i iz Kantona Sarajevo za period 01.01.-31.12.2021. godine, sa osvrtom na problematiku obezbjeđenja alternativnog-privremenog smještaja i Plan povratka u i iz Kantona Sarajevo za 2022. godinu.

PREDSJEDAVALA JE POZVALA ZASTUPNIKE DA SE IZJASNE O PREDLOŽENOM DNEVNOM REDU, A NAKON GLASANJA KONSTATOVANO JE DA JE SKUPŠTINA ZA 49. RADNU USVOJILA DNEVNI RED, KAKO JE I PREDLOŽEN.

Kao informativni materijal zastupnicima je dostavljeno:

- Izvještaj o radu Zavoda za planiranje razvoja Kantona Sarajevo za 2021. godinu;
- Izvještaj o radu Zavoda za izgradnju Kantona Sarajevo za 2021. godinu;
- Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period oktobar-decembar 2021. godine
- Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec januar 2022. godine

Prije realizacije prve tačke dnevnog reda razmatrani su zapisnici sa stenogramima sa 21. Hitne sjednice te, 44., 46. i 47. Radne sjednice Skupštine Kantona Sarajevo, koji su dostavljeni uz poziv za sjednicu.

a)

Skupština je potvrdila (29 “za”) Zapisnik sa 21. Radne sjednice Skupštine Kantona Sarajevo održane 29.09.2021.godine.

b)

Skupština je potvrdila (29 “za”) Zapisnik sa 44. Radne sjednice Skupštine Kantona Sarajevo održane 03.11. i 10.11. i 24.11.2021.godine.

c)

Skupština je potvrdila (27 “za”) Zapisnik sa 46. Radne sjednice Skupštine Kantona Sarajevo održane 14.12. i 27.12.2021.godine.

d)

Skupština je potvrdila (29 “za”) Zapisnik sa 47. Radne sjednice Skupštine Kantona Sarajevo održane 28.12.2021.godine.

Nakon usvajanja zapisnika Igor Stojanović (poslanik/zastupnik) je predložio da se tačka “Zastupnička pitanja i inicijative” razmatra kao posljednja.

U vezi prijedloga koji je podnio Igor Stojanović u nastavku su diskutovali Mirza Čelik , Zvonko Marić, Elmedin Konaković, Vildana Bešlija, Bibija Kerla i Damir Nikšić.

Prijedlog Igora Stojanovića je stavljen na glasanje i isti nije podržan, “za” je glasalo 11, “protiv” 4 dok je 16 bilo “suzdržanih”. S obzirom da prijedlog nije usvojen uslijedila je realizacija prve tačke dnevnog reda.

AD-1.

POSLANIČKA/ZASTUPNIČKA PITANJA INICIJATIVE I ODGOVORI;

Amra Junuzović-Kaljić (poslanik/zastupnik) je podnijela sljedeće (citiramo): “Srdačan pozdrav dakle svima koji su danas prisutni u sali Skupštine, svima koji prate koji prate rad današnje Skupštine. Ovaj imam 2 inicijative i ja ću to ovaj kratko. Dakle jedna je inicijativa je upućena ka Ministarstvu saobraćaja Kantona Sarajevo i Ministarstvu komunalne privrede, infrastrukture prostornog uređenja itd a odnosi se na sljedeće. Podnosim inicijativu da se putem ova 2 Ministarstva što prije poduzmu potrebni koraci kako bi se tramvajska autobuska stajališta detaljno očistila što uključuje čišćenje grafita kao i odstranjivanje nepripadajućeg reklamnog materijala sa istih, montažu nedostajućih korpica za sitni otpad. Imovina Kantona Sarajevo je naša zajednička imovina imperativi i opredjeljenje ovog skupštinskog saziva i Vlade je da se ona sačuva, zaštititi i namjenski koristi. Autobuska i tramvajska stajališta su prljava i djeluju zapušteno, te je neophodno ista dovesti u higijenski zadovoljavajući nivo. Bliži nam se također turistička sezona što nam je ovaj i važno nam je naravno da turisti ponesu dobre utiske iz našega grada.

Druga inicijativa je sljedeća: ovim putem pokrećem inicijativu prema Ministarstvu za odgoj i obrazovanje da preporuči uvođenje časa historije u Plan i program nastavnog predmeta historija u osnovnim i srednjim školama koji bi se u saradnji sa Javnom ustanovom Fond memorijala Kantona Sarajevo održavao u Memorijalnom centru Kovači, na mjestu koje

svojim postojanjem i stalnim muzejskim postavkama svjedoči našoj skorašnjoj historiji i oslobodilačkom ratu 92. i 1995. Naša djeca i omladina se mogu podrobnije upoznati s ratnim događajima i herojskoj odbrani grada. Javna ustanova Fond memorijala Kantona Sarajevo ima aktivan angažman u pružanju podrške i udruženjima i savezima i asocijacijama koji se bave kulturom sjećanja i pamćenja čuvanjem uspomena na najbolje sinove i kćeri domovine. Memorijalni centar Kovači raspolaže savremenom multimedijalnom salom sa 350 mjesta, velikim amfiteatarskim prostorom, te ima kapacitet za održavanje časa historije u okruženju koje podupire najbolja patriotska osjećanja. Hvala.”

Zastupnik Damir Nikšić je podnio sljedeće (citiramo): “Omjer vođene i potpomognute strukom, znanjem i iskustvom historičara Zahvaljujem predsjedavajuća. Dakle Klub zastupnika Naše stranke i Socijaldemokratske partije Bosne i Hercegovine zajednički upućuju inicijativu za donošenje Zakona o muzeju holokausta u Bosni i Hercegovini i predaju draft Zakona predsjedavajućem Skupštine Kantona Sarajevo. Obrazloženje: ova inicijativa koju podnosim ispred Klubova Naše stranke i Socijaldemokratske partije BiH predstavlja krunu skoro jednogodišnjeg rada neformalne grupe entuzijasta. holokausta prof. dr. Eli Tauberom, inspirisani jednoglasnom podrškom svih zastupnika ove Skupštine Kantona Sarajevo zastupničkoj inicijativi osnivanja Muzeja holokausta Sarajevo koje sam podnio u aprilu 2021. u proteklom periodu smo zajednički aktivno i neumorno radili na pripremi novog projekta. Iz priložene dokumentacije se može vidjeti da smo izradila draft zakona o Muzeju holokausta u Bosni i Hercegovini kao i elaborat toj studiji opravdanosti osnivanja Muzeja holokausta. Projekt je dobio zvaničnu podršku rukovodstva Grada Sarajeva, kao i načelnika opštine centar u kojoj se nalazi zgrada u kojoj bi bila smještena kolekcija Muzeja, to je sinagoga na Mejtašu, hram na Bjelavama koja je nacionalizirana početkom 70. godina prošlog stoljeća. Očekujemo od Vlade Kantona Sarajevo da uskladi i upotpuni i otkloni sve nedostatke priloženog drafta i stavi Zakon o Muzeju holokausta u Bosni i Hercegovini u dalju proceduru kako bi ga potom zajednički, uvjereni smo da će to biti jednoglasno, usvojili na Skupštini Kantona Sarajevo i na ne samo svojim sugrađanima građanima Sarajeva, Kantona, Bosne i Hercegovine već čitavom svijetu poklonio jedan savremeni interaktivni Muzej holokausta dostojan jedne europske, multikulturalne, kozmopolitske metropole. Očekujemo iskreno se nadamo jednoglasnoj podršci svih kolegica i kolega zastupnika, svih članova Vlade Kantona Sarajevo cjelokupne javnosti, svih građana akademske zajednice, medija ovoj inicijativi. Smatramo da je Sarajevo grad koji adekvatno mjesto za takav muzej, ne samo kao glavni grad BiH, već kao grad u kojem već pola milenija živi najveći broj bosanskohercegovačkih Jevreja i u kojem je nažalost stradao najveći broj bosanskohercegovačkih Jevreja za vrijeme nacističke okupacije u Drugom svjetskom ratu. S vjerom i nadom da će Sarajevo kao rodni grad i dom brojnih Sarajki i Sarajlija iz reda jevrejskog naroda, kao glavni grad Bosne i Hercegovine koja koja je bila i ostala domovinom brojnih Bosanaca i Bosanki i Hercegovaca i Hercegovki iz reda jevrejskog naroda nakon 77 godina dobiti adekvatnu adekvatnu instituciju, prostor i način na koji će njegovati sjećanje na žrtve holokausta, kao i sjećanje na svijetle i časne primjera čovječnosti Sarajki i Sarajlija, Bosanaca i Hercegovaca za vrijeme holokausta. Ja sam pripremio ovu brošuru i podijelit ću uvaženim kolegicama i kolegama zastupnicima kako bi ovaj se pripremili na sljedećoj sjednici za glasanje o ovome zakonu. Hvala.”

Zastupnica Jasna Duraković je podnijela sljedeće (citiramo): “Srdačno pozdravljam sve kolegice i kolege iz skupštinskih klupa, naravno članove i članice Vlade, kao i sve oni koji prate rad današnje sjednice. Dakle ja danas podnosim jednu inicijativu prema Ministarstvu unutrašnjih poslova Kantona Sarajevo. Upućuje inicijativu resornom Ministarstvu da ukoliko trenutno nema a kreira i usvoji protokol djelovanje u slučaju nasilja u porodici. Te da pokrene aktivnosti s ciljem punog upoznavanja svih policijskih službenika o načinu postupanja u skladu sa tim protokolom. Ukoliko takav protokol već postoji, upućujem

inicijative da se uradi opsežna kampanja edukacije policijskih službenika o djelovanju u skladu sa navedenim protokolom. Kratko obrazloženje: dakle 4 od 10 žena u Bosni i Hercegovini iskusilo je psihološko, fizičko ili seksualno nasilje pokazalo je istraživanje koje je provela organizacija za sigurnost saradnju u Europi OSCE. Prema podacima Fondacije cure, također od 2019. do 2021. godine najmanje 39 žena ubijeno je u Bosni i Hercegovini od strane muškarca, supruga, partnera ili vanbračnog partnera. Prema podacima nevladine organizacije u 2021. godini ubijeno je 5 žena u Federaciji, 4 u Republici Srpskoj. A većina njih je uglavnom platila odluku da napusti supruga ili partnera ili se razvedu. Dakle ovo je ozbiljan društveni problem krajnje vrijeme da poduzmemo neophodne korake i pokušavamo djelovati preventivno u suzbijanju Femicida, dakle nasilja nad ženama i nasilja u porodici. Također ima nekoliko pitanja za Upravu policije po istom osnovu, dakle istom problemu. Koje planske preventivne aktivnosti preduzima policija Kantona Sarajevo u vezi sa KD nasilje u porodici? Da li je u programima "Rad policije dakle u zajednici" postoje aktivnosti koje se odnose na ovo krivično djelo? Kada je posljednji put provedena posljednja javna kampanja o podizanju svijesti građana u prepoznavanju i prijavljivanju nasilja u porodici? Da li policija Kantona Sarajevo vrši obuku policijskih službenika u vezi s načinom postupanja prema žrtvama nasilja u porodici tzv. humani pristup? Da li u slučajevima kada su uključena djeca da da li kao žrtve ili kao svjedoci nasilja u porodici policija ima obučene policijske službenike za rad i postupanje s djecom u takvim okolnostima? Koliko policajaca je prošlo te obuke i koje obuke su u pitanju? Kakva je saradnja policije Kantona Sarajevo sa nevladinim organizacijama i centrima za socijalni rad u ovim slučajevima? Te da li provode zajednički preventivne aktivnosti i koje su to aktivnosti? I da li su bile preduzete bilo kakve pojačane mjere u vezi sa nasiljem u porodici za vrijeme lock down i pandemiju općenito, kako je to bio slučaj sa policijskim agencijama u okruženju, npr u Hrvatskoj su imali kampanju za pomoć žrtvama nasilja u porodici koje su zatvorene sa nasilnicima tokom lock downa. Dakle mi o tome ne znamo ništa eto voljela bih čuti malo više informacija. Toliko i zahvaljujem.”

Zastupnik Mirza Čelik je podnio sljedeće (citiramo): “Pa ja ću imati dva pitanja i zamolit ću premijera da odgovori na jedno pitanje, a drugo pitanje za ministra privrede. Da li se može izmijeniti odnosno izmjena izmjene i dopune Zakona o javnom redu i miru Kantona Sarajevo kako bi se i online prostor proglasio javnim mjestom što je već u Zeničko dobojskom kantonu urađeno, ali i u gradovima Bihaću, Cazinu, Velikoj Kladaši čak ju entitetu Republici Srpskoj. Činjenica je da cijelo društvo treba raditi više na prevenciji nasilja pa samim tim ovo pitanje premijeru ako vi ne odgovorite na način da ćete uraditi ove izmjene Zakona ja ću svakako u narednom periodu podnijeti izmjene i dopune ovog zakona. Drugo pitanje dana 13. februara na skijalištima na Bjelašnici povrijeđen veliki broj skijaša. Nekolicina njih me zamolila da postavim pitanje ministru kako je moguće da tog dana skijališta budu otvorena dok se topovi za vještačko osnježenje bili u funkciji?Dokaz imaju snimci kamera BH Telekoma. Napravljeni su velike količine vještačkog snijega koji nije urađen mašinom za uređenje staze, ima različitu temperaturu jel' što naglo zaustavlja skijaše i prouzrokovao je veliki broj povreda i padova. Na mjestima gdje su topovi bili nije bilo obilježavanja koja bi upozoravala skijaše o potencijalnim opasnostima. I pored ovog problema nije bilo zatvoreno najstrmiji ja staza broj 4 koja je bila potpuno ledena ploha. Tek nakon nekoliko povreda skijaša uposlenici ZOI-ja su intervenisali i zatvorili stazu i obilježili područja gdje su topovi. Ovo je preventivno da se ne bi ponovilo više ali ministre ako možete da odgovorite na ovo postavljeno pitanje bio bih zahvalan ja, kao i mnogi skijaši. Hvala.”

Danijela Kristić (Dopredsjedavajuća) je podnijela sljedeće (citiramo): “S obzirom da sam se i ja prijavila za pitanje i inicijative, iskoristit ću svoje pravo. Ja ću podnijeti jednu inicijativu. Ovim putem podnosim inicijativu prema Javnom preduzeću ZOI' 84 da se za narednu skijašku sezonu 2022/ 23. izvrši numeracija skijaških staza, kao i dodjeljivanje imena

svakoj od staza prema kriteriju koji odredi komisija. Obrazloženje: trenutno numeracija staza je neadekvatna i zbunjujuća za skijaše. Bolje organizovana numeracija je potrebna radi snalaženja skijaša na stazama a dodjeljivanje imena bi zasigurno učinilo marketinški privlačnijom planinu Bjelašnicu i Igman. Svjedoci smo da se i danas zadržao popularni naziv Kolijevka na Bjelašnici. Oformila bi se komisija a svi građani bi imali pravo da svoje prijedloge dostave istoj. Zasigurno da bi staze bile marketinški privlačnije da nose imena prema velikanima koji su se proslavili upravo tokom Zimskih olimpijskih igara u Sarajevu 1984. godini za koje komisija odredi da su najbolji prijedlozi. Toliko, hvala.

Smiljana Viteškić (Dopredsjedavajuća) je podnijela sljedeće (citiramo): “Ja imam dva pitanja za ministricu odgoja i obrazovanja Kantona Sarajevo. Prvo pitanje tiče se izmjena Odluke o pedagoškim standardima i općim normativima za osnovni odgoj obrazovanje. Znači Vlada Kantona Sarajevo je na 66. sjednici održanoj dana 24.2. donijela izmjene Odluke o pedagoškim standardima i općim normativima za nastavni predmet informatika i tehnička kultura. Dana 25.02. 2020 na mejlove osnovnih škola došla je informacija Ministarstva za odgoj obrazovanje koja se tiče izmjena pedagoških standarda normativa za osnovnu školu iz predmeta kultura življenja. Pitanja: na čiju inicijativu je urađena izmjena za predmet kultura življenja? Nastavnici kulturi življenja i vijeće roditelja nisu znali, niti su konsultovani o potrebi izmjena? Ministrice smatrate li da su izmjene urađene netransparentno, usred tekuće školske godine i na štetu učenika, a svakako nastavnika predmeta kultura življenja? Obrazloženje je prilogu. I drugo pitanje također ministrici za odgoj i obrazovanje. Zastupnici Skupštine Kantona Sarajevo su na Mail adrese dobili pismo od advokata, pravnog zastupnika profesora violine u Srednjoj muzičkoj školi u Sarajevu sa obilnom pratećom dokumentacijom. Pitanje za ministricu je kada ćete riješiti ovaj slučaj, dokazati da radite u skladu sa zakonom, da štite Budžet Kantona Sarajevo, a iznad svega da štite prava mladih perspektivnih ljudi, u ovom slučaju jednog od najboljih. Nadam se da nećemo ponavljati anarhiju iz Osnovne muzičke škole na Ilidži i plaćati ogromne troškove sudova iz Budžeta Kantona Sarajevo. Cijenjena ministrice ja znam da su problemi nastali prije vas ali eto vas je zapalo da ih rješavate. Za ovu drugo pitanje molim usmeni odgovor.”

Zvonko Marić (poslanik/zastupnik) je podnio sljedeće (citiramo): “Pa moramo vam reći da mi je pomalo neugodno da ponavljam ovu inicijativu ali budući da je tu ministar Šteta ja bih ga zamolio, neću da obrazlažem jer zna o čemu riječ. Riječ je o stanici u blizini pravoslavne crkve prema Vrelu Bosne. Ti građani sada su poslali evo upravo ovo čitam inicijativa ako je problem novac oni će pokušati da dobrovoljnim sredstvima daju da se izgradi to stanično mjesto koje im bi olakšalo život zbog ovog saobraćajnog meteža i generalno ostalih stvari. Pa bi volio da mi ministar Šteta ako je moguće odgovori ili njima odgovori na ovo pitanje mislim da smo ovo i ranije dogovorili da će biti realizirano, ali evo prošlo je dugo vremena nije se ništa desilo. Druga stvar, cijena vode se obračunava po jednom vodomjer na sljedeći način do 5 kubika je 0,70 konvertibilnih maraka. Od 5 do 30 kubika je 0,84 konvertibilne marke i iznad 30 kubika je 1,17 konvertibilnih maraka, što znači ako potroši neko 40 kubika vode platit će 5 puta s 0,70 konvertibilnih maraka 25 -0,84 i 10 Puta 1,17 konvertibilnih maraka. Dakle ko više ima članova porodice on više plaća skuplju dakle vodu. Kako je moguće taj nesrazmjer ili možda poruka nekim građanima da ne koriste previše vodu itd. kako ne bi trošili tu vodu ili riječ o štednji kako god radite. Molim jedno pojašnjenje, dugo bi mogao ako nekome nije jasno ili onome tko će odgovarati usmeno ja ću pojasniti o čemu je zapravo riječ, ali u biti koji ima više članova porodice skuplju vodu plaća. I druga stvar Komunalno javno poduzeće Rad Sarajevo 1. 10. je prestao ugovor o nabavci benzina, dizel i lož ulja. Haotično poprilično stanje u tom preduzeću, odvoz smeća kasni da ne govorim, nema ko da održava, nema rezervnih dijelova. Zapravo zašto kasne tender? I tamo sjede u tim komisijama razni eksperti itd. i idemo u susret proljeću i u ovoj sezoni kako bi

rekao turističkoj, a mislim da to poduzeće nije spremno da odgovori na određena pitanja. I u konačnici imam još 1 pitanje koje se odnosi na dječji doplatak pa molim ministricu ukoliko je moguće da građanima odgovori. Da da konkretno navedem navedenim zakonom omogućeno je porodicama sa troje i više djece u uživanje prava na dječji doplatak bez obzira na prihodovni cenzus i posjedovanje, što je ranijim Zakonom bilo udovoljeno. Pojedine općine Kantonu Sarajevo vrše nepravilno primjenu zakonskih propisa pa se aplikanti koji su blagovremeno podnijeli zahtjev sa potrebnom dokumentaciju odbijaju pozivajući se na razlog cenzusa. Molim vas da ovo ako je moguće po pojasnite pitanje je duže.”

Zastupnik Senad Hasanović je podnio sljedeće (citiramo): “Pozdravljam sve prisutne kao i sve one koji prate rad Skupštine Kantona Sarajevo. A evo za ovu sjednicu ima 2 pitanja i molit ću za pisane odgovore. Prvo pitanje upućujem Vladi Kantona Sarajevo i Kantonalnoj upravi civilne zaštite. Da li je došlo do popunjavanja radnih mjesta u okviru inspektorata Kantonalne uprave civilne zaštite Kantona Sarajevo i to na pozicijama kantonalni inspektor za vatrogastvo, kantonalni inspektor civilne zaštite i glavni kantonalni inspektor civilne zaštite? Drugo pitanje upućujem Vladi kantona Sarajevo, Ministarstvu unutrašnjih poslova, Kantonalnoj upravi civilne zaštite, Direkciji za robne rezerve Kantona Sarajevo. Imajući u vidu složenu sigurnosnu situaciju u Europi te intenzivno izvođenje ratnih operacija relativno blizu teritorije Bosne i Hercegovine i Kantona Sarajevo da li nadležne službe području poduzimaju specifične preventivne aktivnosti u cilju zaštite civilnog stanovništva i osiguravanja dovoljnih količina osnovnih životnih namirnica? Da li se poduzimaju ili planiraju poduzeti aktivnosti na edukaciji stanovništva u pripremi i obezbjeđenju neophodnih materijalnih sredstava u cilju zaštite ljudi ,vode za piće, hrane i drugog a u slučaju radiološke hemijski ili biološke opasnosti. Dat ću kratko obrazloženje. Svjedoci smo velikoj zabrinutosti građana za vlastitu sigurnost. Čak i određenih aktivnosti pojedinaca koje su uvjetovane strahom neznanjem ili nepovjerenjem u institucije vlasti da mogu obezbijediti određen nivo sigurnosti u slučaju ratnih dejstava ili određeni akcidentnih situacija. Primjetna je doza straha kod građana što rezultira paničnim kupovinama osnovnih životnih namirnica, energenata ili lijekova. Čak specifičnih lijekova koji se koristi u liječenju posljedica radiološkog zračenja čija upotreba pa i nabavka bi morala biti pod nadzorom ljekara. Smatram da nadležne institucije trebaju poduzeti aktivnosti prije svega u cilju informisanja građana, jasno predočavanja mehanizama kolektivne individualne zaštiti, te vraćanje povjerenja građana u institucije. Takođe molit ću pisani odgovor. Toliko i hvala.”

Zastupnica Arijana Memić je podnijela sljedeće (citiramo): “Ja ću imati nekoliko pitanja za Kantonalno tužilaštvo Kantona Sarajevo. Glavna tužiteljica Kantonalnog tužilaštva Kantona Sarajevo Sabina Sarajlija je prošle godine 7. septembra 2021. godine pred svim zastupnicima Skupštine Kantona Sarajevo i javnošću izjavila da je smrt Dženana Memića posljedica saobraćajne nesreće, te da kao i cjelokupna javnost čeka pisani otpравak presude Vrhovnog suda Federacije Bosne i Hercegovine. 14. januara ove godine prilikom gostovanja u emisiji Polis također je izjavila da čeka presudu Vrhovnog suda, te da će tada odlučiti kakve radnje poduzeti na ovom predmetu. Pisani otpравak presude stigao je 7. februara ove godine u kojem je navedeno da Tužilaštvo Kantona Sarajevo ni jednim dokazom nije van razumne sumnje dokazalo da je Dženan Memić stradao na način kako je opisano u optužnici Kantonalnog tužilaštva. Odgovorite nama ali i javnost, koje su vaše prve radnje po otpравku presude Vrhovnog suda? Koje ste mjere preuzeli toga dana, sutradan obzirom da je prošlo već više od mjesec dana? Obzirom na sadržaj presude šta ste poduzeli protiv svih tužilaca koji su zastupali lažnu optužnicu za saobraćajnu nesreću te koje ste radnje poduzeli u saradnji s MUP-om kantona Sarajevo za pokretanje istrage za krivično djelo ubistva. I pitanje koje se odnosi na slučaj odbijanja djevojčice Nadin Smajlović, zašto se još uvijek čeka okončanje istrage i tužilačku odluku u tom predmetu? Da li su ispitani svjedoci? Da li su saslušani

prijavljeni ljekari i u kojem svojstvu? Da li ste utvrdili štetne posljedice radnji po život zdravlje maloljetne djevojčice? Jeste li izvršili procjenu mogućih izvjesnih posljedica po zdravlje djeteta da izostala reakcija roditelja koji dijete još uvijek liječi u Turskoj da li se angažovali vještaka medicinske struke obavili vještačenje kako bi se utvrdio nastanak što će prema riječima glavne kantonalne tužiteljice Sabine Sarajlije ovaj predmet je prioritet za Tužilaštvo Kantona Sarajevo a već 28 mjeseci nema nikakve tužilačke odluke. Hvala.”

Zastupnik Samir Suljević je podnio sljedeće (citiramo): “Prvo pitanje koje na koje tražimo usmeni odgovor postavljam Ministarstvu pravde i uprave ministrici Darii Softić-Kadenić. Imajući u vidu da sam vam 48. sjednici Skupštine Kantona Sarajevo postavio zastupnička pitanja a da su ista 2. 3. 2022 godina osvanula na portalu Raport, te da ista nije imao niko osim vas, postavljam pitanja da li ste vi ministrice Softić-Kadenić dostavili ma zastupnička pitanja i napisali tekst objavljen u navedenom portalu koji sadrži niz neistina? Ovo pitanje postavljam iz razloga što sam jedino vama na vaše tražnje ista dostavio putem Vibera potpisana. Napominjem da u vrijeme pisanja tog teksta pitanja nisu bila objavljena na zvaničnoj stranici Skupštine Kantona Sarajevo. Ako je odgovor da niste, imajući u vidu da ste ih samo vi imali možete li mi reći kome ste ih prosljedili? Sljedeća inicijativa za odnosno zaključak koji želim da dam da se današnja skupština izjasni i to je zaključak o depolitizaciji boračkih udruženja i organizacija. Imajući u vidu i nedavne zloupotrebe manifestacija obilježavanja Dana nezavisnosti BiH 1. marta od čega su se i koordinacija boračkih udruženja već ogradile, kao i niz drugih godina unazad, te stvarne potrebe, predlaže da se Skupština Kantona Sarajevo usvoji zaključak o depolitizaciji boračkih udruženja i organizacija na području Kantona Sarajeva koja se finansiraju iz Budžeta Kantona Sarajevo. Obrazloženje. U dužem periodu odnosno u prethodnim mandatima kantonalne vlasti Kantonu sa Sarajevo uočava se da boračka udruženja koriste i zloupotrebljavaju se za političku promociju pojedinih političkih stranaka i lobiranje za pojedince istih stranaka. Moralno i politički neprihvatljivo da se u demokratskom društvu kakvom težimo i kakvom teži naše koristi složen socijalni društveni status boračke populacije, te da se preko udruženja vrši pritisak stranaka na ovu populaciju kako im se dali politički, medijski i izbor kakav kako bi im se dala politička medijska izborna pobjeda. Nemoralno je da se humani patriotski visoko etične karakter odbrambeno oslobodilačkog rata i borbe pripadnika oružanih formacija Bosne i Hercegovine svojata kao stranačka zasluga i tekovina s obzirom da učešće u odbrani kod najvećeg broja boraca nije bio motiviran stranačkom pripadnošću, nego bosanskim patriotizmom, željom za odbranom domova. U vezi s tim zahtijevam od stranaka Skupštine Kantona, Sarajevo kao i onih vlasti opozicije da se ubuduće uzdrže od van institucionalnog neprimjerenog i neetičnog uticaja na boračka udruženja u smislu zloupotrebe istih za vlastite stranačke interese tražimo da Skupština Kantona Sarajevo Vlada Kantona Sarajevo preko svojih nadležnih tijela ministarstava vrši efikasniji nadzor nad van budžetskim finansiranjem donacije projekti djelovanjem boračkih organizacija koje su inače finansiraju iz Budžeta Kantona Sarajevo. Hvala ću ovo dostaviti pa bi volio da se to Skupština izjasni.

Zastupnica Amra Hasagić je podnijela sljedeće (citiramo): “Pozdravljam uvaženo rukovodstvo, članove Vlade, premijera, kolegice i kolege zastupnike, sve one koji ne bilo koji način prate današnju sjednice, a svima nama želim uspješan i svrsishodan rad. Skupštinska delegacija je prošle sedmice boravila u Sandžaku gdje je dogovore nastavak saradnje na svim poljima, najprije na poljima kulture i sporta, ekonomije, obrazovanja ,zdravstva i turizma. Posjetom su stvoreni uslovi i otvorene mogućnosti prije svega ministarstvima ali i javnim ustanovama, preduzećima da djeluju na području Sandžaka. Ovom prilikom insistiramo da nas periodično izvještavaju o provedenim aktivnostima u skladu s ovim sporazumom. Želimo istaći da saradnja mora biti institucionalna i trajna i da obavezuje sve buduće sazive Skupštine ali i izvršne vlasti. Uz to smatramo da treba ustanoviti radno tijelo koje će koordinirati sve

aktivnosti ove saradnje i da se kao takvo ugradi u Poslovnik o radu Skupštine. Ovu inicijativu treba implementirati u proceduri koja propisuje ovakvu izmjenu Poslovnika. U skladu sa poslaničkim mogućnostima istu ćemo dostaviti skupštinskoj službi kako bi se zastupnici o istoj izjasnili. Pokrećem inicijativu prema Vladi Kantona Sarajevo i Ministarstvu za odgoj obrazovanje da pored postojećih programa u određenim ustanovama osnovnog obrazovanja učenicima 8. i 9. razreda svih osnovnih škola na području Kantona Sarajevo omogući posjetu Memorijalnom centru u Potočarima i Srebrenici kao dio redovnog i obaveznog nastavnog programa. Zahvaljujem.”

Zastupnice Vildana Bešlija je podnijela sljedeće (citiramo): “Ja bih postavila evo ako može ovaj ministar Hadžiahmetović da mi odgovori, već poodavno je Skupština usvojila ovu Rezoluciju zašto unapređenju kvaliteta zraka u zatvorenom prostoru u Kantonu Sarajevo. Znači u maju 2021. godine, nisam dobila odgovor da li je formirana radna grupa i interesuje me koji je stepen realizacije ove izuzetno složene inicijative, jer se radi o znači uređenju kako ovaj i zakonskom i formiranja radne grupe. Znači dosta je proces poprilično zahtjevan i željela bih da se krene ovaj u realizaciju. Nadam se iskreno da se krenulo, ali evo nisam dobila konačan odgovor pa bih zamalo da usmeno dobijem dokle je to. Hvala vam.”

Zastupnica Segmedina Srna Bajramović je podnijela sljedeće (citiramo): “Pa evo ja imam jedno pitanje, slično smo čuli već, no vrijedi ponoviti. Mislim i tražim odgovor u pisanoj formi. Dakle upućeno Ministarstvu odgoja i obrazovanja odnosno Vladi Kantona Sarajevo. Na 66. sjednici. Vlade održane 24.02. 2022. donesena je odluka broj 02045574 24/22 od 24.02. kako se već rekla, a odnosi se na izmjenu pedagoških standarda za osnovnu školu, tačnije dijela koji se odnosi na nastavni predmet kultura življenja, i to konkretno na podjelu učenika u grupe pri realizaciji nastave. Da li je kod donošenja predmetne Odluke urađena nikakva stručna analiza koja je dovela do zaključka potrebe za navedenom promjenom? Da li u tom procesu vršena ikakva konsultacija s aktivom nastavnika? Da li je sindikat dao saglasnost za brisanje navedene odredbe? Izuzetno važno da ne odustajemo od metodologije izvođenja nastave zbog činjenice da neko istu u praksi možda ne želi implementirati pa iz razloga zaštite odgovornih od inspekcijeskog nadzora Ministarstvo ne bi trebalo bez detaljne analize prihvatiti opciju u kojoj se direktorima izlazi u susret brisanje odredbe odnosno obaveze na štetu djece. Dakle odgovor u pisanoj formi. Zahvaljujemo.”

Zastupnica Bibija Kerla je podnijela sljedeće (citiramo): “Ja za današnju sjednicu ima 2 pitanja na koja tražim usmeni odgovor. Jedno pitanje se odnosi na Elektrotehnički fakultet i postavljam ga Ministarstvu visokog obrazovanja. Zašto se na tom fakultetu još uvijek održava online nastava? S obzirom da je obrazloženje veoma onaj opširno ja ću ovo dostaviti u pisanoj formi. Drugo pitanje ide Ministarstvu saobraćaja. Što je sa regulacijom parkinga naselja Koševo? I ovo isto tako ide u veoma opširnom prilogu, tako da ću dostaviti to za skupštinsku službu da odgovori pismenim putem. Međutim danas imam 1 pitanje za Ministarstvo MUP-a Kantona Sarajevo i za Vladu Kantona Sarajevo. U ime stanovnika Kantona Sarajevo i cijele Bosne i Hercegovine pitam Vladu Kantona Sarajevo Ministarstvu MUP-a kakva je trenutna situacija što se tiče sigurnosti u Kantonu u u cijeloj zemlji i hoće li doći do oružanih sukoba i šta smo sve preduzeli da osiguramo stanovništvo u slučaju da nam se ponovi 92 godina? Obrazloženje: cjelokupna situacija u svijet toliko zategnuta da je pitanje kada će doći do eskalacije sukoba u našoj zemlji. Interesuje me šta smo mi preduzeli da zaštitimo i naše stanovništvo u slučaju da se rat iz Ukrajine prenese na Balkan a time i na našu zemlju. MI danas raspravlja o 30 tačaka dnevnog reda 49 sjednice Skupštine Kantona Sarajevo a ne vidim ni jednu tačku dnevnog reda koja govori upravo o ovoj temi. Želim da se danas otvoreno stanovnicima Kantona Sarajevo a time i cijeloj Bosni i Hercegovini pošalje poruka mir ili priprema za rat. Koliko znam prije mjesec dana su sportisti Ukrajine bili na Olimpijskim

igrama u Kini. Olimpijada se završila, sportisti se sa sportskih borilišta preselili na ratna borilišta. Ko nam garantuje da ovo neće biti zadnja sjednice Skupštine Kantona Sarajevo u ovom sastavu. Molim usmeni odgovor na ovo pitanje.”

Zastupnik Hamed Aljović je podnio sljedeće (citiramo): “Ima 2 pitanja i jednu inicijativu. Prvo pitanje upućujem Ministarstvu privrede Kantona Sarajevo i Turističkoj zajednici Kantona Sarajevo. U kojoj fazi je izrada Strategije turizma Kantona Sarajevo? Po dva, da li je formirana radna grupa? Ko čini radnu grupu? Da li su u istoj zastupljeni predstavnici jedinice lokalnoj samouprave? Koja su to proglašena turistička mjesta na području općine Trnovo? Da li je komisija za proglašenje turističkog mjesta aktivno radno tijelo? Drugo pitanje upućujem prema Ministarstvu za odgoj i obrazovanje. Zašto već duži vremenski period Ministarstvo odbija da provede pravosnažnu sudsku presudu u slučaju prof. Bajraktarevića u Osnovnoj muzičkoj školi, kad znamo da se s vremenom gomilaju sudski troškovi i zatezne kamate? Znači već druga presuda je došla u iznosu od 50 000. Znači koji je razlog da Ministarstvo odbija provesti da se prof. Bajraktarević i vrati na posao. I imam treće, inicijativu prema Vladi Kantona Sarajevo za stavljanje van snage Odluke Ministarstva za odgoj i obrazovanje broj 0204 -5574 -24/22 od 24. 2. 2022 godine. Broj 9 od 03.03.2022. godine svrha je omogućavanje nastavnica kulture življenja da realizuju nastavne sadržaje u skladu sa Zakonom o osnovnom odgoju i obrazovanju, nastavnim planom i programom, kurikulumom u cilju unapređenja zdravlja i života naše djece. Zahvaljujem.”

Zastupnica Neira Dizdarević je podnijela sljedeće (citiramo): “Ja pozdravljam sve u sali, kao i građane koji prate naš današnji rad. Iznijet ću 2 pitanja i molit ću usmene odgovore. Moje prvo pitanje jeste za ministra Delića. U svjetlu aktuelnih dešavanja da li Kanton Sarajevo ima mogućnost da zasije dovoljno poljoprivrednih površina koje bi mogle dati dostatne prinose žitarica, koje bi zadovoljile naše potrebe, te da li bi trebalo zbog kretanja cijena žitarice i nafte na svjetskom tržištu raditi na scenariju samodostatnosti pored već svih poduzetih mjera povećanja poticaja i slično, odnosno imamo li ikakve razrađena scenarije ovisno o mogućem razvoju događaja? A drugo pitanje je za ministra komunalne privrede, također molit ću usmeni odgovor, zašto prezentaciju Urbanističkog plana urbanog područja Sarajevo nisu ispoštovane smjernice iz Studije o vjetrokoridorima i kada će javnost biti uključena u proceduru izrade urbanističkog plana jer je to zakonska obaveza u svakoj fazi izrade, a ne samo u javnoj raspravi?. Toliko, hvala.”

Zastupnik Damir Marjanović je podnio sljedeće (citiramo): “Pozdravljam sve prisutne kao i one koji nas prate. Primijetit ću da bez obzira na inicijativu koju sam podnio prošli put ni ovaj put na sjednici Skupštine Kantona Sarajevo ne raspravljamo o aktivnostima koje su realizirane, a na osnovu Zaključaka Tematske sjednice o obrazovanju i Tematske sjednice o mladima. Podsjećam da smo imali obavezu svaka 3 mjeseca da dobijamo informacije o onome što je do sada realizirano. Tako da će vas podsjetiti još jednom ne da je to neka naša dobra volja nego obaveza koju smo sami izglasali i da očekujem na sljedećoj sjednici Skupštine Kantona Sarajevo da Kolegij uvrsti ovu tačku, ove tačke dnevnog reda u ono sljedeće zasjedanje i da nam nadležna Ministarstva podnesu izvještaje i informacije o tome gdje smo i što smo po tom pitanju. Postavljam pitanje ministrici nauke i visokog obrazovanja i mladih što se dešava sa Nacrtom Zakona o visokome obrazovanju? Podsjetit ću sve one koji sjede ovdje u Skupštini, posebno sa kolegice i kolege iz skupštinske većine, da u Programu koji smo ponudili prilikom preuzimanja ovih pozicija smo rekli da je to jedan od prioriteta koji se treba realizirati, znači kreiranje novoga zakona, a danas je već mart, čini mi se da se bližimo polako našim mandatima, očekujem da do kraja mandata taj Zakon o visokom obrazovanju bude revidiran, reformiran i normalno usvojen. Ako to želimo da uradimo nekako mi se čini da na sljedećoj sjednici već moramo imati nacrt. Zamolit ću usmeni

odgovor na ovo pitanje. Postavit ću pitanje Ministarstvu unutarnjih poslova, čisto radoznalo, više mi je ljudi postavilo to pitanje, što se dešava sa procesom nabavke helikoptera, u kojoj smo fazi, da li da imamo neke nove informacije? Moram priznati da svi ljudi s kojima sam razgovarao jako podržavaju taj proces, pa eto zanima ih barem onoliko koliko Ministarstvo unutarnjih poslova može da odgovori na to pitanje, o tom djelu da nam to prezentiraju. Neka to bude zasada da iskoristimo ovih 60 minuta. Normalno, nadam se da će ministar unutarnjih poslova i ministrica za nauku, obrazovanje i mlade odgovoriti usmeno na ova postavljena pitanja. Hvala.”

Zastupnica Jasmina Bišćević Tokić je podnijela sljedeće (citiramo): “Prvo upućujem Sarajevo šumama. Da li je v.d. predsjednica Nadzornog odbora Komunalnog preduzeća Sarajevo šume Tanović Irca prijavila Tužilaštvu Kantona Sarajevo da poslovi javnih nabavki koji su u nadležnosti izvršnog direktora oblasti za opšte poslove nisu obavljani u cijelosti u skladu sa zakonskim i podzakonskim propisima iz oblasti javnih nabavki jer je na Nadzornom odboru usvojen Zaključak broj 0102 - 3121 - 35 čiji je ona potpisnik. Sljedeće pitanje za Sarajevogas. U Sarajevogasu je izvršena nabavka revizije informacionog sistema u vrijednosti cca oko 50 000 kao i nabavka drugih informacionih sistema ERP e-billing u vrijednosti oko 900 000. Svako poboljšanje u radu komunalnih preduzeća pohvaljujem i podržavam, međutim ono što zabrinjava jest ta osoba koja je bila član za reviziju tog sistema nakon revizije postaje i član tima koji radi implementaciju ovih rješenja. Kako je moguće da osoba koja napravi reviziju sistema ustanovi šta nedostaje unutar organizacije, nakon te revizije postaje ista osoba koja implementira 3 različita rješenja. Da li su sva 4 tendera bili isti članovi komisije i da li je poveznica tih tendera certifikat samo jedne osobe? U prethodna 2 Budžeta Kantona Sarajevo bila su predviđena sredstva za implementaciju sistema u vrijednosti oko 2 miliona za svih 7 komunalnih preduzeća. Ne čini li vam se onda čudno iznos cca 950 000 maraka za samo jedno javno preduzeće? Sljedeće pitanje imam za Ministarstva za odgoj i obrazovanje. S obzirom da je završena konkursna procedura za popunjavanje upražnjenih radnih mjesta u osnovnoj školi Šip u školskoj 21/ 22. godini, potrebno mi je dostaviti odgovore na sljedeća pitanja: koja su bili članovi komisije za izbor nastavnika, da li je u sastavu komisije bio imenovan predstavnik sindikata, da li je direktor škole bio član komisije za ovaj javni konkurs, da li su se uzimali u obzir i bodovi kandidata koji su dostavili urednu dodatnu dokumentaciju o pripadnosti boračkoj populaciji, a u skladu sa Uredbom o jedinstvenim kriterijima i pravilima za zapošljavanje branilaca i članova njihovih porodica? Da li je bilo manipulacija prilikom bodovanja kandidata po određenim kategorijama, odnosno da li su se provjeravale potvrde da se kandidat nalazi na evidenciji Službe za zapošljavanje i da li je u radnom odnosu na određeno vrijeme? Koliko vremena je prošlo od obavijesti koji su primili kandidati koji nisu prošli konkursnu proceduru do sklapanja ugovora, odnosno početka rada primljenih kandidata? Da li je istekao žalbeni rok prije sklapanja ugovora? Koji je tačan datum kada su svi kandidati obaviješteni o ishodu konkursa, kao i tačan datum sklapanja ugovora sa kandidatima koji su prošli konkursnu proceduru? Zahvaljujem.”

Zastupnica Admela Hodžić je podnijela sljedeće (citiramo): “S obzirom da nas dopredsjedavajuća upozorava da imamo jako malo vremena ja ću inicijative dostaviti u pisanoj formi, a zamolit ću pošto vidim da je danas ovdje ministar Šteta, ministar saobraćaja, ja i moje kolege dobile smo dobili smo već ovaj više puta upite od uposlenika Grasa koji su svoj radni vijek ovaj završili u preduzeću Gras, pitali su već nekoliko puta i tražili smo odgovor, ali nismo dobili, možda ste negdje u medijima javno ukazivali ali ali ne znamo evo još uvijek nam šalju ta pitanja, kada će se steći uslovi da se uposlenici radnici bivši Grasa mogu penzionisati? Upozorit ću vas na to da dat su to nekoliko godina već čekaju da ostvare svoja prava, da su na rubu egzistencije, da čak neki ne neće doživjeti to, neki su i preselili na na drugi, bolji svijet. Pa evo samo molim vas iz poštovanja prema tim ljudima koji dugo čekaju

da ostvare svoja prava ja ću vas zamoliti da danas odgovorite usmeno. I zamolit ću ministra finansija gospodina Čičića samo da mi kaže, zanima me da li je budžetski inspektor izvršio kontrolu i nadzor u preduzeću Gras? Tražila sam da se izvrši inspeksijski nadzor da bismo da bi se utvrdilo da li se sredstva koja su namijenjena budžetska za ovaj subvencije prijevoza, da li se troše namjenski i da li su trošena do sad namjenski, ako znamo imamo izvještaj inspekcije da se ta usluga, usluge Grasa nisu izvršavale preko 50 % u proteklom periodu? Zahvaljujem.”

U nastavku, odgovore na zastupnička pitanja dali su kako slijedi: Adnan Šteta (ministar saobraćaja), Aleksandra Nikolić (ministrica za nauku, visoko obrazovanje i mlade), Darja Softić-Kadenić (ministrica pravde i uprave), Naida Hota-Muminović (ministrica za odgoj i obrazovanje), Admir Katica (ministar), Adnan Delić (ministar privrede), Enver Hadžiahmetović (ministar komunalne privrede, infrastrukture, prostornog uređenja, građenja i zaštite okoliša).

NASTAVAK NAKON PAUZE

Predsjedavajući je pozvao zastupnice i zastupnike da pristupe izjašnjavanju o pristiglim inicijativama.

Skupština se prvo izjašnjavala po inicijativi Kluba zastupnika SDP:

“Imajući u vidu nedavne zloupotrebe manifestacija obilježavanja Dana nezavisnosti Bosne Hercegovine, 1. marta, od čega se Koordinacija boračkih organizacija već ogradila, kao i dugi niz unazad, te stvarnu potrebu predlaže se Skupštini Kantona Sarajevo da usvoji zaključak o depolitizaciji boračkih udruženja i organizacija na području Kantona Sarajevo koje se finansiraju iz Budžeta”.

Skupština Kantona Sarajevo je usvojila ovu inicijativu sa 27 “za”.

Zastupnička inicijativa koja je pristigla od šefova klubova koji predstavljaju svoje stranke u Skupštini Kantona Sarajevo, a koja glasi:

"Skupštinska je delegacija prošle sedmice boravila u Sandžaku gdje je dogovoren nastavak saradnje na svim poljima, najprije na poljima kulture i sporta, ekonomije, obrazovanja, zdravstva i turizma posjetom su stvoreni uslovi otvorene mogućnosti prije svega Ministarstva ali i javnim ustanovama i preduzećima da djeluju na području Sandžaka. Ovom prilikom insistiramo da nas periodično izvještavaju o provedenim aktivnostima u skladu s ovim Sporazumom. Želimo istaći da saradnja mora biti institucionalna i trajna i da obavezuje sve buduće sazive Skupštine Kantona Sarajevo ali i izvršne vlasti. Uz to smatramo da treba ustanoviti radno tijelo koje će koordinirati sve aktivnosti ove saradnje i da se kao takvo ugradi u Poslovnik o radu Skupštine Kantona Sarajevo. Ovu inicijativu treba implementirati u proceduru koja propisuje ovakvu izmjenu Poslovnika”.

Skupština Kantona Sarajevo je usvojila ovu inicijativu sa 30 “za”.

Skupština se prvo izjašnjavala po inicijativi zastupnika Dževada Poturka koja glasi:

"Pokrećem inicijativu prema Federalnom ministarstvu unutrašnjih poslova, Ministarstvu civilnih poslova, Ministarstvu sigurnosti, Vijeću ministara, Uredu za strance da izmijeni procedure koje će omogućiti da državljani Republike Srbije tačnije Sandžaka da po skraćenoj proceduri dobijaju državljanstvo Bosne i Hercegovine, a po uzoru na proceduru koju uveo predsjednik Srbije Vučić ili ne znam već ko iz njihovog državnog aparata. Zatim pozivam naše nadležne organe da izaberu najkraći put da u roku od 48 sati građani Srbije tj. ljudi iz Sandžaka dobiju naše državljanstvo”.

Skupština Kantona Sarajevo je usvojila inicijativu zastupnika Dževada Poturka sa 29 “za”.

AD – 2.

Prijedlog Zakona o izmjenama i dopunama Zakona o prijavljivanju i postupku provjere podataka o imovini nosioca javnih funkcija u Kantonu Sarajevo

Darja Softić-Kadenić (ministrica) je podnijela uvodne napomene kako slijedi: “Dobar dan još jednom svim uvažanim zastupnicima i zastupnicama i gledateljima ispred TV ekrana. Pošto je ovaj Zakon koji je u nacrtu već usvojena na Skupštini i sad je ovdje pred vama u prijedlogu, ja ću se u uvodnim napomenama fokusirati samo na izmjene koje je tekst pretrpio kao rezultat javne rasprave to jest na razlike između teksta nacarta i teksta prijedloga da bismo ovo svrsishodnije ovaj proveli. U okviru javne rasprave koja je trajala 30 dana na tekst Nacrta su svoje primjedbe sugestije dostavili Kantonalni sud u Sarajevu, Kantonalno Tužilaštvo, Pravobranilaštvo, općine Hadžići, Trnovo, općine Stari Grad Sarajevo, Novi Grad i Ilidža, Ured za borbu protiv korupcije i Ministarstvo unutrašnjih poslova. Također su primjedbe i sugestije zastupnika koje su iznesene prilikom usvajanja Nacrta zakona razmatrane u okviru javne rasprave. Izvještaj o provedenoj javnoj raspravi je priložen u materijalima za sjednicu. Ministarstvo je pribavilo mišljenje Agencije za zaštitu ličnih podataka na tekst Izmjena i dopuna i Agencija nije imala primjedbi sa aspekta zaštite prava na privatnost i obrade ličnih podataka. Agencija je ponovo ukazala na svoje ranije mišljenje na prvobitni tekst ovog Zakona iz 2019. godine a u kojem je istakla da odredbe članova 17. stav 3) i 19. stav 4) smatra suvišnim, pa su ove odredbe u okviru ovih Izmjena i dopuna brisane. Dalje novine u odnosu na Nacrt se odnose na proširivanje obaveze dostavljanja podataka o imovini pored bliskih srodnika i na članove domaćinstva nosioca javne funkcije a na tragu diskusija nekih od zastupnika u Skupštini. Takođe uvažen prijedlog koji je više puta iznesen da se rok za dostavljanje godišnjih prijava pomjeri sa 31.01. na 28.02. uz uvažavanja iznesene argumentacije. Na primjedbu Tužilaštva dodan je novi član 20 a. Kojim je propisano krivično djelo davanje lažnih podataka o imovini i prihodima i u istom tom kontekstu brisan stav 4) člana 21 koji nije bio adekvatno uređen prema sugestijama koje su dostavljene od strane Kantonalnog tužilaštva. Takođe je u tekstu prijedloga brisan član 26. To su osnovne izmjene pored onih koje su već naravno razmatrane u tekstu Nacrta kojim smo već koji smo već usvojili. I ako imate pitanja ja vam stojim na raspolaganju.”

Zastupnica Admela Hodžić je bila prva prijavljena za pitanja po ovom Prijedlogu zakona, a nakon nje pitanja su postavili Haris Zahiragić , Jasmina Bišćević-Tokić, Senad Hasanović i Sead Milavica.

S obzirom na broj pitanja, data je pauza od 10 minuta kako bi ministrica pripremila odgovore.

NASTAVAK NAKON PAUZE

Darja Softić-Kadenić (ministrica) je nakon pauze ponudila odgovore na pitanja zastupnica i zastupnika, a komentare na odgovore imali su Mirza Čelik i Admela Hodžić.

U nastavku otvorena je diskusija po Prijedlogu Zakona o izmjenama i dopunama Zakona o prijavljivanju i postupku provjere podataka o imovini nosioca javnih funkcija u Kantonu Sarajevo u kojoj su učestvovali: Haris Zahiragić, Admela Hodžić, Senad Hasanović, Jasmina Bišćević-Tokić, Zvonko Marić, Segmedina Srna Bajramović, Damir Marjanović,

Fahrudin Pecikoza, Vildana Bešlija, Dževad Poturak, Elvedin Okerić (Predsjedavajući) i Damir Nikšić.

NAKON ISCRPLJENE RASPRAVE PREDSJEDAVAJUĆI JE POZVAO ZASTUPNICE I ZASTUPNIKE DA SE IZJASNE O PRIJEDLOGU ZAKONA O IZMJENAMA I DOPUNAMA ZAKONA O PRIJAVLJIVANJU, POSTUPKU PROVJERE PODATAKA O IMOVINI NOSIOCA JAVNIH FUNKCIJA U KANTONU SARAJEVO.

NAKON GLASANJA KONSTATOVANO JE DA JE “ZA” GLASAO 21 ZASTUPNIK, “PROTIV” 1 I “SUZDRŽANIH” 5. SKUPŠTINA JE VEĆINOM GLASOVA DONIJELA OVAJ ZAKON.

Nakon ove tačke, predložena je pauza za ručak u trajanju od 75 minuta i ista je prihvaćena sa 27 glasova “za”.

NASTAVAK NAKON PAUZE

AD – 3.

NACRT ZAKONA O PREVENCIJI I SUZBIJANJU KORUPCIJE U KANTONU SARAJEVO

Materijal su zastupnici dobili uz poziv za sjednicu, a uvodne napomene po ovom Nacrtu podnijela je ministrica pravde i uprave Darja Softić- Kadenić.

Pitanje po ovom Nacrtu imala je Jasmina Bišćević-Tokić, dok su u diskusiji učestvovali Damir Marjanović, Elmedin Konaković, Haris Zahiragić, Elvedin Okerić, Zvonko Marić, Mirza Čelik, Jasmina Bišćević-Tokić, Senad Hasanović, Vibor Handžić, Neira Dizdarević i Segmedina Srna Bajramović.

Nakon diskusija zastupnica i zastupnika uslijedila je pauza 10 minuta na zahtjev Kluba SDA.

NASTAVAK NAKON PAUZE

S obzirom da je zaključena diskusija, predsjedavajući je predložio da Skupština po Nacrtu Zakona o prevenciji i suzbijanju korupcije u Kantonu Sarajevo donese sljedeće Zaključke:

1. Utvrđuje se Nacrt Zakona o prevenciji i suzbijanju korupcije u Kantonu Sarajevo ;
2. Javna rasprava održat će se u kantonalnim organima, jedinicama lokalne samouprave, naučnim i stručnim ustanovama i trajat će 45 dana.
3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.
4. Vlada Kantona Sarajevo dužna je da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga Zakona o prevenciji i suzbijanju korupcije u Kantonu Sarajevo.

NAKON GLASANJA KONSTATOVANO JE DA JE SKUPŠTINA JEDNOGLASNO (28 “ZA”) DONIJELA OVE ZAKLJUČKE.

Predsjedavajući je nakon realizacije ove tačke dnevnog reda prekinuo današnju sjednicu te informisao da će zastupnice i zastupnici blagovremeno će biti obaviješteni o nastavku 49. Radne sjednice Skupštine Kantona Sarajevo.

Zapisnik izradila:
Jasminka Deliahmetović

SEKRETAR
SKUPŠTINE KANTONA SARAJEVO

Aida Zeković, dipl. pravnik

PREDSJEDAVALAČI
SKUPŠTINE KANTONA SARAJEVO

Elvedin Okerić

Sastavni dio ovog zapisnika su stenografske bilješke, audio snimak sjednice, koji se čuvaju u Službi za skupštinske poslove Skupštine Kantona Sarajevo.

**ZAPISNIK SA NASTAVKA 49. RADNE SJEDNICE
SKUPŠTINE KANTONA SARAJEVO
ODRŽANOG 13.04.2022.GODINE**

Predsjedavajući Elvedin Okerić (u daljem tekstu predsjedavajući) je otvorio nastavak 49. Radne sjednice Skupštine Kantona Sarajevo.

Kašnjenje su najavili zastupnik Hamed Aljović i zastupnica Dizdarević Neira

Sjednici prisustvuje 31 zastupnik, što je dovoljan broj za punovažan rad i odlučivanje.

Sjednici su prisustvovali/le zastupnici/zastupnice:

SDA - STRANKA DEMOKRATSKE AKCIJE

1. Hamed Aljović
2. Jasmina Bišćević-Tokić
3. Haris Zahiragić
4. Sabahudin Delalić
5. Mahir Dević
6. Amra Hasagić
7. Smiljana Viteškić

POLITIČKA ORGANIZACIJA "NAROD I PRAVDA"

1. Vedran Jakupović
2. Elmedin Konaković
3. Danijela Kristić
4. Amel Mekić
5. Arijana Memić
6. Elvedin Okerić

POLITIČKA ORGANIZACIJA GRAĐANA "NAŠA STRANKA"

1. Vildana Bešlija
2. Neira Dizdarević
3. Vibor Handžić

SOCIJALDEMOKRATSKA PARTIJA BOSNE I HERCEGOVINE

1. Segmedina Bajramović Srna
2. Igor Stojanović
3. Samir Suljević

SAVEZ ZA BOLJU BUDUĆNOST BIH – FAHRUDIN RADONČIĆ

1. Zvonko Marić
2. Dževad Poturak

DEMOKRATSKA FRONTA

1. Bibija Kerla

BOSS-BOSANSKA STRANKA – MIRNES AJANOVIĆ

1. Haris Pleho

SAMOSTALNI ZASTUPNICI/ZASTUPNICE:

1. Damir Nikšić
2. Fahrudin Pecikoza
3. Damir Marjanović
4. Elvis Vreto
5. Jasna Duraković
6. Aljoša Čampara
7. Admela Hodžić
8. Amra Junuzović-Kaljić
9. Senad Hasanović
10. Sead Milavica
11. Mirza Čelik
12. Bilsena Šahman

Predsjedavajući je podsjetio da su na prethodnom zasjedanju razmatrane prve tri tačke Dnevnog reda, tako da su za danas preostale sljedeće tačke:

4. Nacrt Zakona o izmjenama i dopuni Zakona o turizmu;
5. Nacrt Zakona o dopunskim pravima boraca-branitelja Bosne i Hercegovine;
6. Nacrt Zakona o odgoju i obrazovanju u osnovnoj i srednjoj školi u Kantonu Sarajevo;
7. Prijedlog Programa rada Skupštine Kantona Sarajevo za 2022. godinu;
8. Prijedlog Strategije razvoja Kantona Sarajevo 2021.-2027.;
9. Prijedlog Odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za projekat „Javni prevoz Sarajevo e-Mobility“;
10. Prijedlog Odluke o davanju saglasnosti na Program rada Zavoda zdravstvenog osiguranja Kantona Sarajevo za 2021. godinu;
11. Prijedlog Odluke o davanju saglasnosti na Statut o izmjenama i dopunama Statuta Javne ustanove Zavod za javno zdravstvo Kantona Sarajevo;
12. Prijedlog Odluke o usvajanju Programa uređenja građevinskog zemljišta i realizacije kapitalnih investicija za 2022. godinu;
13. Prijedlog Odluke o izmjeni Odluke o osnivanju Kantonalne javne ustanove Dom za djecu bez roditeljskog staranja;
14.
 - a) Prijedlog Odluke o davanju saglasnosti na Program rada Javne ustanove Narodno pozorište Sarajevo sa finansijskim planom za 2022. godinu;
 - b) Prijedlog Odluke o davanju saglasnosti na Program rada Javne ustanove Sarajevska filharmonija sa finansijskim planom za 2022. godinu;
 - c) Prijedlog Odluke o davanju saglasnosti na Program rada Javne ustanove Pozorište mladih Sarajevo sa finansijskim planom za 2022. godinu;
 - d) Prijedlog Odluke o davanju saglasnosti na Program rada Javne ustanove Kamerni teatar '55, Sarajevo sa finansijskim planom za 2022. godinu;
 - e) Prijedlog Odluke o davanju saglasnosti na Program rada Javne ustanove Sarajevski ratni teatar - SARTR sa finansijskim planom za 2022. godinu;
 - f) Prijedlog Odluke o davanju saglasnosti na Program rada Javne ustanove Međunarodni teatarski festival – Scena MESS sa finansijskim planom za 2022. godinu;
 - g) Prijedlog Odluke o davanju saglasnosti na Program rada Javne ustanove Muzej Sarajeva sa finansijskim planom za 2022. godinu;
 - h) Prijedlog Odluke o davanju saglasnosti na Program rada Javne ustanove Kantonalni zavod za zaštitu kulturno-historijskog i prirodnog naslijeđa Sarajevo sa finansijskim

- planom za 2022. godinu;
- i) Prijedlog Odluke o davanju saglasnosti na Program rada Javne ustanove Historijski arhiv Sarajevo sa finansijskim planom za 2022. godinu;
 - j) Prijedlog Odluke o davanju saglasnosti na Program rada Javne ustanove Biblioteka Sarajeva sa finansijskim planom za 2022. godinu;
 - k) Prijedlog Odluke o davanju saglasnosti na Program rada Javne ustanove Muzej "Alija Izetbegović" sa finansijskim planom za 2022. godinu;
 - l) Prijedlog Odluke o davanju saglasnosti na Program rada Javne ustanove Bosanski kulturni centar Kantona Sarajevo sa finansijskim planom za 2022. godinu;
 - m) Prijedlog Odluke o davanju saglasnosti na Program rada Javne ustanove "Collegium artisticum", Sarajevo sa finansijskim planom za 2022. godinu;
- 15. Informacija o javnom linijskom prijevozu putnika u Kantonu Sarajevo, sa prijedlogom zaključaka;
 - 16. Prijedlog Odluke o osnivanju Kantonalnog javnog komunalnog preduzeća „Javni prijevoz Sarajevo“ d.o.o. Sarajevo;
 - 17. Prijedlog Odluke kojom se daje saglasnost za zaključivanje Ugovora o kupoprodaji nekretnina u svrhu proširenja gradskog groblja Vlakovo koji treba da zaključi KJKP „Pokop“ d.o.o. Sarajevo sa prodavcem Sredanka Kurteš;
 - 18. Prijedlog Odluke kojom se daje saglasnost za zaključivanje Ugovora o kupoprodaji nekretnina u svrhu proširenja gradskog groblja Vlakovo koji treba da zaključi KJKP „Pokop“ d.o.o. Sarajevo sa prodavcem Bjeloš Dobrila i drugi;
 - 19. Prijedlog Odluke o izmjeni i dopuni Odluke o zaštiti planinskih izvorišta vode za piće sarajevskog vodovodnog sistema i dijela otvorenog toka rijeke Mošćanice; (razmatraće se kao tačka 19.)
 - 20. Izvještaj o radu Kantonalne uprave za inspeksijske poslove Kantona Sarajevo za 2021. godinu;
 - 21. Izvještaj o radu Kantonalne uprave civilne zaštite Kantona Sarajevo za 2021. godinu;
 - 22. Izvještaj o realizaciji Plana povratka u i iz Kantona Sarajevo za period 01.01.-31.12.2021. godine, sa osvrtom na problematiku obezbjeđenja alternativnog-privremenog smještaja i Plan povratka u i iz Kantona Sarajevo za 2022. godinu

AD – 4.

NACRT ZAKONA O IZMJENAMA I DOPUNI ZAKONA O TURIZMU

Na samom početku realizacije ove tačke dnevnog reda zastupnik Mahir Dević je imao poslovničku intervenciju: "Ispred Kluba SDA želim da upozorim vas predsjedavajući, a naravno i sve kolegice i kolege u Skupštini Kantona Sarajevo. Dakle potpuno identični razlozi neustavnosti koji su utvrđeni od strane Ustavnog suda za sazivanje 43. Radne sjednice Skupštine Kantona Sarajevo, a koji su utvrđeni i prilikom sazivanja 38 i 41. Radne sjednice Skupštine Kantona Sarajevo su prisutni i danas, u nastavku 49 Radne sjednice".

Nadalje Mahir Dević je informisao sljedeće: "U tom smislu upozoravam vas na kršenje člana 71. Poslovnika o radu Skupštine Kantona Sarajevo. Predsjedavajući, ovo govorim naravno zbog stenograma, ne da se s vama uopće oko bilo čega ubjeđujem. Znači Ustavni sud FBiH je u tim presudama je omogućio opstanak Vlade šest mjeseci, dao rok da se izvrši, da se otkloni neustavnost. Međutim, na današnjoj sjednici Skupštine Kantona Sarajevo sve tačke dnevnog reda koje mi usvojimo a prethodno je Ustavni sud utvrdio neustavnost prilikom sazivanja sjednice, Kolegija, komisija, mogu biti vrlo upitni. Pa vas ja pozivam u tom smislu kao odgovornog čovjeka da vodite računa o radu Skupštine Kantona Sarajevo.

Znači mi danas imamo nekoliko važnih Zakona, tačaka, rješenja, odluka. Znači sve što mi danas uradimo, a po presudi Ustavnog suda će biti neustavno, odnosno ništavno, predsjedavajući. Hvala.”

Nakon poslovničke intervencije vezano za diskusiju Mahir Devića za riječ se javio Elmedin Konaković: “Pošto se javljam prvi put srdačno pozdravljam sve kolegice i kolege u sali, ministrice, ministre, premijera ne vidim, i sve druge prisutne i naravno gledaoce koji putem malih ekrana gledaju današnji prenos. Ustavni sud je dao rok za otklanjanje smetnje i potpuno je ustavno sve što mi dalje radimo. Dakle u tom roku smo dužni ispoštovati presudu Ustavnog suda, što ćemo naravno i ovaj put učiniti. Ako mogu kolege da ne galame, nema potrebe nervozu, ramazan, ljepota, ujutro smo fino došli da radimo. Ali je ovo odlična prilika da naša javnost vidi šta se zaista u ovoj sali dešava. Dakle, mi ovdje imamo opoziciju koja vrebava najsitniju administrativnu pogrešku kako bi zaustavila suštinu procesa. Hoću samo istine radi i javnosti radi da kažem i zbog ove presude Ustavnog suda. U ovoj sali dok su ljudi bili korektni nekada davno smo se dogovorili radi troškova da ne printamo svima materijale. Da materijale po potrebi dobiju šefovi klubova, i da se ti materijali okače na stranici. Dakle radi onih časnih SDA-ovaca koji su to u ovoj sali zajedno sa manom dogovarali imam potrebu da radi javnosti kažem takvu stvar. Sada se ova grupa ljudi, stalno kontinuirano trudi da čak i takve dogovore zloupotrijebi, i istina je, nađe neke sitne greškice u Poslovniku i apelira Ustavnom sudu. Premijer koji nam donosi zakone u hitnim, skraćenim procedurama, bez mišljenja komisija, mi podržavamo čak tu suštinu. I jučer je bila ta sjednica Doma naroda na kojem su to ljudi mogli vidjeti kako se tamo ponaša opozicija koja je izglasala set boračkih Zakona, svojim rukama, a mogla je jučer prekinuti sjednicu i ne usvojiti dnevni red. Dakle kolege su s razlogom nervozne jer ovo naša javnost treba da zna. I isto je u temi, ko što je i Devićevo bilo u temi. Jednako smo nas dvojica u temi. Dakle te džentlmenške političke dogovore, ova najdestruktivnija opozicija ikada u istoriji politike će do kraja ovog mandata koristiti, mi ćemo njih fino pod ljevu miškvicu i uzbrdo sprintom. Sve što smo počeli završiti. Tako da odgovorno tvrdim nikakva smetnja nije da nastavimo dalje rad a da ljudi vide kako se ovamo ova grupica ponaša. Dakle ljudi ovo su suštini zakoni, važni za građane. I umjesto da daju neki dobar prijedlog da to unaprijede, da amandmanima djeluju, da predlažu, ovdje samo vrebaju iza ćoškova i sapliću. Evo do sada vidjeli smo šta su uradili, mi smo do sada uradili posla hvala Bogu dosta, više bi sigurno za građane uradili da oni nisu ovakvi, ali nije loše s vremena na vrijeme samo da se ova tema otvori da ljudi vide. Tako da vas ja predsjedavajući molim da vi nastavite naš rad, mi ćemo ponovo doći i raditi, raditi i popravljati stanje i sve ovo vidljivo ćemo nastaviti a nek oni rade to što misle da treba. Hvala.”

Nadalje, Elvedin Okerić (predsjedavajući) je istakao sljedeće: “Aktuelni Poslovnik Skupštine Kantona Sarajevo je doživio 2012 godine značajnije izmjene, prečišćeni tekst. Što znači da od 2012 godine do danas svi zakoni koje ste i vi donosili, i vi koje ste donosili kao većina, svi ti zakoni faktički imaju propuste koje vi sada navodite. Znao o kakvim se tu propustima radi, da li je materijal zastupnicima dostavljen printano ili elektrenoski, iako je zaključak Skupština usvojila kada je predsjedavajući bio gospodin zastupnik Mirza Čelik i kada ste vi bili većina. Taj zaključak je donijela Skupština da se materijali dostavljaju elektronskim putem. Dalje, presuda Ustavnog suda, zamolio bih vas, molim vas pustite me da ja sada kažem, ja sam vas pustio da vi kažete. Presuda Ustavnog suda FBIH nije niti jednog jedinog momenta ulazila u meritum Zakona, već da li je materijal dostavljen elektronskim putem ili je printanim, il su obaviještene sve komisije i da li su svi zastupnici, zašto nisu svi zastupnici dobili materijal, zašto su dobili samo članovi Kolegija. To je sramota kolege iz opozicije, to je sramota. Mislim na Klub SDA i to samo na pojedine zastupnike. To je sramota šta radite. I samo još nešto da vam kažem, rezultati Skupštine i Vlade govore da vi ne možete zaustaviti procese koji se vode u Kantonu Sarajevo. Pokušavate

na svaki način onako kako to Zakon realno propisuje da preko premijera koji može da podnosi apelacije Ustavnom sudu zaustavljate procese i reforme u Kantonu Sarajevo. Nećete u tome uspjeti. Pokazali smo vam više puta, evo vam još jednom poručujem i da znate neću vam dozvoliti više da pričamo na ovu temu. Idemo sa nastavkom dnevnog reda. Samo da znate. Neću vam dozvoliti zato što svaki put trudite se da opstruirate i da zaustavljate. Neću vam dozvoliti, neću vam dozvoliti. Ometate sjednicu.”

U nastavku, Adnan Delić ministar privrede je pozvan da podnese uvodne napomene po ovom Nacrtu, međutim zatražena je pauza od strane Kluba zastupnika DF-a u trajanju od 15 minuta, pa je izlaganje odgođeno.

NASTAVAK NAKON PAUZE

Zastupnik Mirza Čelik se javio za riječ ističući sljedeće: “Zahvaljujem predsjedavajući, pozdravljam sve prisutne, kao i gledaoce pored malih TV ekrana. Evo čisto sam zatražio pauzu jer smo imali malte ne svađu u Skupštini Kantona Sarajevo i obrazloženje pauze ću vrlo kratko. Predsjedavajući ja bih vas lijepo molio, po osnovu presude koju smo dobili, da postoje redovni i izuzetni način ovaj sjednica. Izuzetne podrazumijevaju kada se održavaju online, da se materijali dostavljaju online i pozivi za sjednicu online. Redovni podrazumijevaju štampani materijal u članu 71. je to definisano i evo ja vam predlažem da današnju sjednicu prekinete ili da premijer povuče, ili ovlašteni predstavnik Vlade da povuče materijale. Da danas zakažete Kolegij i da ove sve tačke dnevnog reda stavimo na 52 Radnu sjednicu i također sjednicu 51. da sve materijale koji su, izuzev Zavoda zdravstvenog osiguranja, odnosno Finansijski plan i izvršenje istog, bude samo jedna tačka dnevnog reda na 51. sjednici. I s tim ćemo izbjeći da se podnose apelacije prema Ustavnom sudu Federacije. Evo ja vas molim da razmotrite ovu opciju jer sve ostalo će biti podložno apelaciji prema Ustavnom sudu FBiH. Hvala.”

Nakon obraćanja zastupnika Čelika uslijedila je pauza pet minuta na zahtjev Kluba zastupnika Narod i Pravda.

NASTAVAK NAKON PAUZE

Elvedin Okerić (predsjedavajući) se obratio Skupštini: “Uvažene zastupnice i zastupnici, poštovani građani nastavljamo Skupštinu Kantona Sarajevo. Imao sam potrebu da dostavim printani materijal za ovu sjednicu Skupštine Kantona Sarajevo da građani samo vide zbog čega su Klub SDA i DF u Skupštini Kantona Sarajevo poslali javno poruke i prijete da će apelacijom Ustavnom sudu preko premijera Novalića zaustaviti sve procese u Kantonu Sarajevo. Mi smo danas imali tri važna Zakona, Nacrt Zakona o turizmu, zatim Izmjene i dopune Zakona o osnovnom i srednjem obrazovanju, kao i Zakon koji tretira boračku populaciju. Proceduralno svaki zastupnik bi trebao na adresu da dobije ovu količinu materijala, printanog materijala. Na ovo se pozivaju klubovi SDA i SF u Skupštini Kantona Sarajevo koji preko Ustavnog suda blokiraju procese u Kantonu Sarajevo. Iako 2020 na zahtjev Kluba SDA kada je predsjedavao zastupnik Mirza Čelik Skupština donijela Zaključak da se zastupnicima dostavlja printani materijal. Odnosno da se ne dostavlja printani, da se dostavlja elektronski. Još jedna stvar, svaki zastupnik dobije elektronskim putem materijal i za Kolegij i za Skupštinu Kantona Sarajevo. Zbog ovakvih procesa, procedura koje koriste preko premijera Novalića mi smo danas jednostavno morali povući tačke dnevnog reda zato što će ponovo apelacijama zaustaviti procese u Kantonu Sarajevo. Ja molim premijera da izađe, obrati se i povuče današnje tačke dnevnog reda.”

Nakon predsjedavajućeg za riječ se javio Edin Forto (premijer) ističući sljedeće: “Dobar dan svima. U zadnje vrijeme postalo je u BIH na neki način i popularno slati političku poruku blokadom i neradom. Mi nismo takva Vlada naravno i žao mi je da se ovo dešava. I ja poručujem i javnosti, a evo svima vama. Nerad nije politička politička poruka. Nerad je nerad. Iz tehničkih razloga povlačim sve tačke sa ovog dnevnog reda. Hvala.”

Nakon premijera predsjedavajući je informisao sljedeće: “Još samo zbog javnosti da naglasim da je ovo jedna tačka dnevnog reda pod a, b ili c) kada se tiče planova i programa donošenja ili eventualno izvještaja preduzeća u sistemu Kantona Sarajevo. E sada zamislite na svakoj sjednici Skupštine Kantona Sarajevo koliko će se novca potrošiti da se ovakvi materijali pripreme svim zastupnicima. Pojedini zastupnici će morati ove materijale dobijati na kućne adrese. E to zahtjeva Klub SDA i DF u Skupštini Kantona Sarajevo. Zaključujem sjednicu, bit ćete blagovremeno obaviješteni o održavanju sljedeće sjednice.”

Rad na 49. radnoj sjednici Skupštine Kantona Sarajevo je zaključen.

Zapisnik izradila:
Jasminka Deliahmetović

SEKRETAR
SKUPŠTINE KANTONA SARAJEVO

Aida Zeković

PREDSDJEDAVAJUĆI
SKUPŠTINE KANTONA SARAJEVO

Elvedin Okerić

Sastavni dio ovog zapisnika su stenografske bilješke, audio snimak sjednice, koji se čuvaju u Službi za skupštinske poslove Skupštine Kantona Sarajevo.